



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XXVII. Qui ad Concilium sint conuocandi?

urn:nbn:de:hbz:466:1-11726

II. Illius est indicere Concilia Generalia, qui possit omnes per orbem ex officio cogere: Vt Papa, non Imperator potest. Quia maior est orbis Christianus, quàm Imperium, &c.

III. Illius est indicere Generalia, sine cuius Autoritate nequeunt celebrari: Atqui Apostolicus Canon est, in Niceno innovatus: *Solius Romani Episcopi est celebrare Concilia.* Vnde Concil. Calcedonense vetuit Dioscorum Alexand. sedere inter Episcopos; quòd absque consensu Papæ coëgisset Concilium.

IV. Sic Praxis obtinuit perpetua: Communisque Patrum est Consensus, ac etiam Imperatorum & Imperii.

IMPERATORES olim quædam indixerunt Concilia; sed non absque consensu Pontif. Romanorum. Ob causas. 1. Quia, teste *Isid. l. 1. Etym. c. 16.* primis trecentis annis, ob sæuientes persecutiones, Christianis omnes conuentus erant interdicti: Vigentibus igitur diu postea legibus iisdem, Imperatores ipsi ad Concilia adiuuabant: 2. Quia cū in vrbe aliqua esset Concilium cogendum, Dominus autem orbis esset Imperator, ideo & huius consensus pro loco requirebatur, proque sumptibus vehiculorum. *Baron. tom. 3. anno 240.* 3. Quia id ætatis Papæ nondum erant temporalium potentes, vt potestate ac licentia indiguerint Imperatorum. Ex his patet Responsio ad documenta Luthero-calvinistarum. Liberius autem petiit ab Imperatore fieri; non concessit cogi Concilium.

Conuocari quoque Concilia, minime est de absoluta necessitate vnquam; sed ad suauiore[m] regendi modum iuxta

ordinariam Dei prouidentiam. Nam causis cogendi Concilia generalia potest aliter consuli, vt sunt Hæresis, Schisma, Morum corruptio & Abusus.

SOLVUNTUR facilè ex his commenta Sectariorum.

QVÆSTIO XXVII.

Qui ad Concilium sint conuocandi?

LUTHERO-CALVINISTÆ, vt 1. Lutherus *libr. de Conciliis part. 2.* Carolus Molinæus *de Conc. Trid. non recipiendo.* Magdeburg. *Cent. 1. l. 2. c. 9.* Ex omni genere hominum eruditos debere interessere, esseque Iudices, & habere suffragium decisiuum.

2. Brentius *in Confess. wittenb. c. de Concil.* Omnesque Confessionistæ & Calvinistæ aiunt, concilium constare solis verè piis & electis; eò quòd hi soli ad Ecclesiam pertineant.

3. Protestantes *libro. Cur non venerint ad Concil. Trid. causas adferunt,* 1. Quia à Papa erat indictum. 2. Quia non licebat etiam laicis doctis suffragium habere decisiuum, sed solum Clericis.

SVADENTISSI. 1. In primo Concilio Act. 15. placuit *Apostolis, & Senioribus, cum omni Ecclesia.* 2. Quia Concil. Generale totam Ecclesiam repræscentat; ergo omne genus fidelium ei interesse licet, & debet. 3. Quia Communis causa communibus votis ac viribus agenda est; at talis est causa fidei in Conciliis: ergo, &c.

AUTOR. Ius suffragii in Conciliis solum habent Prælati: Clerici aut laici doctius verbi habent in discussione ac disputatione; at non in definitione: Principes sæculares adiunt vt protectores, aut vindices malorum.

1. Quia definire in Conciliis credenda &

da & agenda, est Pascere: at hoc est Pastorum: Eph. 4. *Posuit alios Pastores & Doctores.* Ierem. 3. *Dabo vobis Pastores secundum cor meum, & pascet vos scientia & doctrina.* Porro tales sunt Episcopi. Act. 10. *Attendite vobis, & uniuerso gregi; in quo vos Sp. Sanctus posuit Episcopos regere Ecclesiam Dei, id est, docere pascua, quæ bona, quæ mala.*

2. Quin Melanchthon in *Locis c. de numero Sacramentorum*, & Calvinus *Inst. l. 4 c. 14 §. 20* Ordinationem Pastorum qui dedicantur ad docendum, referunt inter Sacramenta Ecclesie. Neque hoc Sacram. esse voluit commune toti Ecclesie, sed solum ad id initiatis. Atqui Laici non sunt ordinati Pastores: ergo docere autoritate Concilii eorum non est.

3. Ita Sancti Patres, & Praxis continua.

4. Quia Ecclesiastica & publica ab Ecclesiasticis & publicis tractanda sunt: at tales sunt Episcopi, non è vulgo Clerici & laici. &c.

RESPONSIO ad Rationes prædictas patet ex dictis.

AD I. Eo in Concilio interfuerunt Apostoli, ad Definendum: Presbyter, ad consultandum; laici, ad audiendum.

AD II. Comitua generalia Principum totam Rempubl. repræsentant; neque ramen quilibet interesse debent: Ita nec Conciliis.

AD III. Causa fidei ad omnes pertinet; sed non eodem modo nam ad Prælatos, vt ad Doctores; ad cæteros, vt ad discipulos: Vt vincere est exercitus; ducere Ducum; militum pugnare. Vide *Bell. l. 1. de Conc. c. 16.*

Q V Æ S T I O XXVIII.

Concilia an habeant formam Iudicij, an Inquisitionis?

LUTHERVS in *Afert. art. 29.* CALVINVS *Insti. 4. c. 9. §. 2.* BRENTIUS in *Confess. Wirtembergica.* KEMNITIUS in *Exam. 4. Sess. Conc. Trid.* Concilium est Inquisitio solum: Christus verò solus, eiusque Verbum Scriptum, habet suffragium decisiuum: Sæpèque vnum sequendum potius, pro quo stet Scriptura, quam totum Concilium: Ideo licet cuique examinare Concilia, & ea sequi, aut relinquere. Ideo, ait Lutherus art. 115. ex quingentis: *Res insana est, Concilia statuere, quid credendum; cum sæpè nullus ibi sit, qui diuinum spiritum vel modicum olfecerit. Vt contigit in Nicæno, vbi statuebant, ne status Ecclesiasticus sit in matrimonio. Ibi iam omnes erant falsi. Vnus procedit Paphnutius; refutat hoc; quòd non esset Christianum. Tunc oportuit Concilium desistere.*

AUTOR. Solum Iudices, non Consiliarii, sunt in Conciliis Episcopi. 1. Sic Scriptura. Vide in *Antichristo meo p. 2. q. 9.* 2. Sic Concilia statuunt tum factò ipso, quod anathema dicunt non obtemperantibus: tum Scripto; nam ita subscribunt: *Ego N. definiens subscripsi:* Denique contradicentes pro hæreticis sunt habiti: Disputare igitur est quidè doctorum quorumcunque; at suffragari & definire, solum Episcoporum. Sectarii verò Hoc quærunt, ne quæstiones finiantur, durante circa Scripturam litigio.

DICO autem narrationem de Paphnutio incertam esse; vt ignotam priscis scriptoribus, 2. Dein; ille restitit ante definitionem factam, non post: Nec audiri debuit, iuxta Sectarios; quia Scri-

A a 3 ptu-